

文

選

箋

證

文選箋證卷七

聚學軒叢書第五集

績溪胡紹煥學

貴池劉世珩校刊

魏都賦

張載注

异乎交益之士

注張載曰异異也姜氏皋曰說文异引虞書嶽曰异哉堯典釋文异徐云鄭音異而注自訓己也惟列子楊朱篇何以异哉張注异與異同紹煥按鄭音異是讀异爲異歎辭廣韻七志异云异哉歎也蓋本鄭義太冲以异爲異從鄭讀也异與異同音之假列子釋文异古異字恐非

嚴岡潭淵

注張載曰潭淵也屈原卜居曰橫江潭而漁今卜居無此語揚雄解嘲有之按楚辭抽思沅江潭兮王注潭淵也楚人名淵曰潭

峻危之竅也

注善曰方言竅空也按今方言無此語而云峻危之空亦與上義不相屬卷十三竅阨也當善所據此出後人妄改

不以邊陲爲襟也

注善曰聲類曰衿衣交領也旁證云善注襟作衿則正文當作衿紹煥按本書魏都賦陸士衡贈從兄車騎詩王僧達答顏延年詩並作衿此由五臣本作襟

後人因以亂善耳

謀蹕駁於王義

注張載曰莊子曰惠施多方其書五車其道蹕駁言惡也善曰司馬彪莊子注曰蹕讀曰舛舛乖也按據司馬注則蹕舛各字說文出蹕云揚雄作舛从足舛是揚又以蹕爲舛之或體蓋出訓纂篇諸書多言蹕駁孝經序蹕駁尤甚是也

孰愈尋靡薺於中達

注善曰王逸楚辭注曰甯有薺草蔓衍於九達之道洪氏興祖補注曰山海經曰宣山有桑焉其枝曰衢注云枝交互而出又少室之山有木焉名帝休其枝

五衢注云言樹枝交錯相重五出有似路衢天對云有萍九岐注云衢歧也逸以爲生九衢中恐謬紹煥按釋名四達曰衢齊魯謂四齒杷爲櫨櫨杷地則有四處此道似之也然則凡言衢者皆歧出之義淮南子木天則根櫨謂根之四出也櫨與衢通故路歧出謂之衢萍歧出亦謂之衢猶杷歧出謂之櫨根歧出亦謂之櫨太沖以九衢爲中達蓋沿逸注之誤

與江介之湫淵

注善曰韓詩章句曰介界也按陳氏壽祺謂卽思文篇句今無此疆爾界作界唐石經初刻作界後改作介從韓詩也

殷殷寰內

注張載曰春秋穀梁傳曰寰內諸侯尹更始曰天子以千里爲寰旁證云范注天子畿內大夫有采地謂之寰內諸侯釋文寰音縣古縣字一音環一音患匡謬正俗云州縣縣字本作寰後借縣字爲之也紹煥按本書江文通雜體詩驚望分寰隧善注寰猶畿也王制天子之縣內縣亦畿也鄭注縣內夏時天子所居州界名也殷曰畿周亦曰畿是也舊唐書音樂志赤寰歸德卽赤縣也寰縣古今字說文有縣無寰

繩繩八區

注善曰毛詩曰子孫繩繩今按毛傳繩繩戒慎也疑

與此義不合尙書大傳禾黍繩繩猶羊也方言繩束齊謂之羊郭注此亦轉語也今江東人呼羊聲如蠅然則繩繩卽洋洋之轉爲繩猶羊之轉爲蠅爾雅洋多也重言之亦曰洋洋魯頌閟宮傳洋洋衆多是也

河汾浩沔而皓漾

汪善曰上林賦曰漂漾潢漾廣雅曰浩漾大也漾餘眇反按今上林賦作灕漾玉篇引作浩漾皆水無涯際之貌淮南覽冥訓水浩洋而不息卽浩漾之誤盧氏文弼校改浩漾爲浩洋謂洋譌洋因洋譌漾蓋未見諸賦云云也皓漾疊韻

南瞻淇澳則綠竹純茂

按毛傳綠王芻也竹篇竹也此與下冬夏與沼爲偶句則亦以爲二草從毛義也而張注引毛綠竹猗猗又引漢書溝洫志下淇園之竹以爲一草恐非太沖之旨

溫泉毖涌而自浪

注善曰說文曰泌水駛流也泌與毖同今說文作泌水俠流也玉篇作狹流廣韻作浹流旁證云駛當作駛朱氏琿曰說文無駛疑是決字說文決行流也紹煥按此皆非也當本作狹流玉篇作狹俗字凡水陝流則急而生浪故賦云毖涌而自浪酈風毖彼泉水

傳泉水始出怱然流也韓詩作祕祕之言閤也怱祕
閤泌字異而音義並同正字宜爲泌本書七發善注
云泌泌澌波相楔也波相楔謂之泌水相楔亦謂之
泌相楔有陝義上林賦偪側泌澌泌澌猶偪側偪側
卽陝今人猶謂陝爲偪側矣司馬彪注亦云泌澌相
楔也然則泌爲泉流相楔之貌許云陝流猶彪云相
楔耳此因陝譌爲俠或譌爲狹後人又改此注之陝
爲馱而校正者遂有作駛作決之紛紛異說矣

墳衍斥斥

注善曰斥斥廣大之貌也倉頡篇曰斥大也按史記
司馬相如傳關益斥索隱引張揖曰斥廣也本書海

賦襄陵廣易廣易連文是易爲廣也易與斥通書禹貢海濱廣斥義爲廣大也鄭注斥謂地鹹鹵

嘉祥微顯而豫作

注善曰文帝答曹植詔曰所獻詩微顯成章按易繫辭微顯而闡幽作微左氏傳序其微顯闡幽同善本當作微注引文帝詔亦作微左成十四年傳微而顯婉而成章作微可證翰注微美也則作微爲五臣本微微古通尙書立政予旦已受人之微言石經作微階隄嶙峋

注善曰應劭上林賦注曰隄闌檻也按當作楯與上林賦注合翰注階隄階道上處考說文玉篇廣韻無

隋字惟集韻收隋云階也蓋沿翰注之誤

左則中朝有施

注善曰毛萇詩傳曰施赤貌也朱氏埤曰詩無施字
惟路車有奭毛傳奭赤貌又韎韐有奭釋文亦云奭
赤貌而白虎通引奭作施故此注遂以施爲奭也紹
煥按毛詩俱不作施此注當有施與奭同四字今脫
去

蕙風如薰

注善曰邊讓章臺賦曰蕙風如春施旁證云何校蕙
改惠依善注引邊讓賦作惠爲是銑注蕙香草也是
五臣作蕙耳紹煥按本書琴賦蕙風流其間善引邊

賦與此注同此惠風與下甘露對猶琴賦惠風與上清露對耳

亢陽臺於陰基

六臣本校云善本臺作高按作高是也此以亢陽連言高下屬謂三臺亢陽而高於陰基也今善本高作臺蓋後人以五臣本亂之

習步頓以升降

注張載曰王吉傳曰進退步趨以實下言人不行則膝脛下虛弱不實也段氏玉裁校云依注則升降二字當作實下紹煥按段校恐非注虛弱不實釋正文頓字翰注謂臺高行步上下頓足上下正升降二字

之訓足證正文本作升降不作實下

長塗牟首

注張載曰牟首閣道有室者也霍光傳說昌邑王輦道牟首今見漢書霍光傳孟康曰牟首地名也上有觀如淳曰屏面臣瓚曰池名在上林苑中師古曰瓚說是也又左思吳都賦云長塗牟首劉逵以爲牟首閣道有室也此說更無所出或者思及逵據此輦道牟首便誤用之旁證云漢舊官儀上林苑中昆明池鎬池牟首諸池取魚鼈給祠祀用據此則牟首實池名也又思語在魏都注者張載顏引作吳都劉逵蓋誤記也紹煥按牟冒也閣道穹隆如冒故云牟首孟

康注謂上有觀亦取此義是牟首正閣道之有室者當時必有所據不應太沖誤之於前孟陽復誤之於後且牟首既爲池名在上林苑中而霍光傳云輦道牟首牟首與輦道相屬則不在上林苑可知檢三輔黃圖池名無牟首有牛首云池在上林苑中西頭乃恍於臣瓚之誤以牛首爲牟首小顏因而不察耳梁氏所引漢官舊儀牟亦牛字之譌本書上林賦濯鵠牛首張揖曰牛首池名在上林苑西頭此足以證之矣

亭亭峻峙

注善曰說文曰趾基也按依注則正文當作峻趾峻

峭也峻趾猶峭趾大元大豐牆峭趾是也蓋善本作
趾五臣作詩

苑以元武

注張載曰元武苑在鄴城西苑中有漁梁釣臺竹園
蒲陶諸果按正文及注苑並當作苑五臣作苑

蒹葭贊

注善曰贊分別也王氏觀國學林曰爾雅釋獸贊有
力郭注曰贊似狗多方獮惡釋文贊音鉉無分別義
蒹葭詩箋云蒹葭在眾草之中蒼蒼強盛此言蒹葭
若強有力者紹煥按學林以贊爲強盛正與賦文合
而謂無分別義則讀說文未熟也許以從虓對爭貝

爲會意段氏注引此賦謂蒹葭茂密若爭地而生則於贊字本義旣得而與賦文亦不相乖戾矣

綠芰泛濤而浸潭

注善曰浸潭漸漬也洞簫賦曰玉液浸潭而承其根今洞簫賦作浸潤按本書風賦浸淫谿谷注浸淫漸進貌浸潭卽浸淫也音義同亦作侵尋史記孝武紀侵尋於泰山矣索隱曰浸尋卽浸淫也

西門溉其前史起灌其後

按漢書溝洫志本呂覽引漳水溉鄴屬之史起史記河渠書西門豹引漳水溉鄴後漢明帝紀初元元年修西門豹所分漳水爲支渠以溉田說苑政理篇魏

侯使西門豹往治鄴論衡率性篇西門豹灌以漳水
成爲膏腴又以引漳溉鄴屬之西門豹惟此賦所言
爲得其實水經濁漳水注昔魏文侯以西門豹爲鄴
令引漳以溉鄴民賴其用其後至魏襄王以史起爲
鄴令又堰漳水以灌鄴田咸成沃壤百姓歌之御覽
七十三引鄴中記曰當魏文侯時西門豹爲鄴令堰
引漳水灌鄴以富魏之河南後史起爲鄴令引漳水
十二渠灌漑於魏田數百頃並與此賦合

媒媒垆野

注張載曰媒媒美也詩曰周原媒媒善曰韓詩曰周
原媒媒按張注不云韓故善特明之今毛作廌廌傳

臚臚美也義同廣雅臚臚肥也疑本韓詩說肥與美義亦相成故鄭箋云臚臚然肥美

陸蒔黍稷

注善曰方言曰蒔更也郭璞曰謂更種也六臣本善注引作蒔植立也按方言蒔有兩訓然善云下則澍生稷稻高則植立黍稷植立正釋蒔字善引方言當爲植立之訓不當爲更植立亦謂種也故廣雅曰蒔種也亦省作蒔堯典播時百穀鄭讀蒔爲蒔晏子春秋諫覽篇民盡得種蒔蒔與蒔同種謂之蒔故樹亦謂之時晉書姚萇載紀云萇命其將於一柵孔中蒔樹一根以旌戰功是也

內則街衢輻湊

注善曰杜預左氏傳注曰衢交道也今見左昭元年傳及衢注五臣本作街衢按賦文易街衢爲街衢者避下行旅讓衢衢字複耳五臣不達此旨妄改作衢非也

瑋豐樓之閑闕

注張載曰爾雅曰闕巷門也一曰闕門所從出入也今爾雅無說文門部闕巷門也按此當用左襄三十一年傳高其閑闕文釋文闕或作閣字爾雅釋宮所以止扉謂之闕釋文闕本亦作閣注閣門辟旁楹也說文閣所以止扉也然則傳之閑闕當從或本作閑

閣賦文蓋沿誤本左傳而注莫能訂正

財以工化

注張載曰周官曰百工飭化八材善曰廣雅曰財貨也財與材古字通按依注則善本當作材

著馴風之醕醢

注善曰周易曰馴致其道六臣本作馴致校云善本作風按此正善本作致故引易云云馴致卽道也此謂著道之醕醢也魏晉人隸事皆如是後人不達此旨見注中有風字遂改致爲風矣

關石之所和鈞

注善曰賈逵國語注曰關通也鄭元儀禮注曰和調

也孔安國尙書傳曰金鐵曰石供民器用通之使和平按賈注以關爲通而某氏傳襲之遂有通使和平之說韋昭周語注云關門之征也石今之斛也言征賦調均則王府常有也賦文本此善不引韋注而引賈逵及某氏傳所未解也

庶士罔甯

注善曰尙書曰庶士爰征毛詩曰庶士有揭按善以土士二字義並可通故連引詩書本書吳都賦剖判庶士何氏焯校士改土孫氏志祖又謂當作士兩校不同

三屬之甲

旁證云漢書刑法志注服虔曰作大甲三屬竟人身也蘇林曰兜鍪也盤領也髀褌也如淳曰上身一髀褌一距繳一凡三屬也師古曰如說是也屬聯也音之欲反然攷工記函人爲甲犀甲七屬兕甲六屬合甲五屬注云屬讀爲灌注之注之樹反上旅下旅札續之數也江氏永曰甲續札爲之節節相屬也此經史音義之各異者

纓胡之纓

注張載曰趙太子惺謂莊周曰吾王所見壯士皆蓬頭突鬢垂冠纓胡之纓攷異云今莊子作曼釋文引司馬彪曰曼胡之纓謂羸纓無文理也紹煥按纓曼

字同曼無也言無文飾也方言凡戟而無刃東齊秦
晉之間其大者曰鏐胡纓胡猶鏐胡纓無文謂之纓
胡猶戟無刃謂之鏐胡纓胡之轉爲模餽今俗語謂
無文理曰模餽是也

襲偏褻以讀列

注善曰國語曰衣之偏褻之衣韋昭曰褻在中說文
曰讀列中止也然讀列或止或列按褻與督通莊子
養生篇緣督以爲經司馬彪曰督中也今說文讀中
止也無列字此涉正文誤衍說文又引司馬法曰師
多則民讀讀止也

喇馬江洲

注張載曰喇小嘗也司馬相如檠賦曰喇嗽其檠善
曰喇猶飲也劉劭七華曰喇馬河源按說文刀部刷
刮也又部刷拭也繫傳引此賦刷馬江洲喇與刷同
書亦作刷晏子春秋諫覽篇景公刷涕而見晏子刷
涕卽拭涕本書養生論善注引通俗文曰所以理髮
謂之刷理髮卽刮也人理髮謂之刷故鳥理毛謂之
喇玉篇喇鳥治毛衣廣韻刷鳥理毛鳥理毛以口故
字從口旁此喇馬蓋亦刮拭其馬赭白馬賦旦刷幽
燕善注引說文曰刷刮也刷馬與下洗兵對文見義
刷猶洗也今俗猶云刷洗矣集韻涮洗也涮刷刷喇
並字異而義同

振旅鞠鞠

注張載曰史記蘇秦曰鞠鞠殷殷若三軍之眾善曰
倉頡篇曰鞠鞠眾車聲也呼崩切今爲鞠字音田按
依善注則正文鞠鞠及張注引史記善引倉頡篇皆
當作鞠眾經音義十二轟字書作鞠同呼宏反玉篇
廣韻鞠同轟說文轟羣車聲也今史記作鞠廣雅鞠
鞠聲也鞠與鞠轟音同而與鞠音異易林轟轟鞠鞠
鞠卽轟鞠讀同闐爾雅振旅闐闐是也今諸本並作
鞠蓋因善注而改春秋後語夜行不絕鞠鞠殷殷注
鞠火宏切正作鞠

武人歸獸而去戰

注張載曰尙書曰往伐歸獸按此引武成書序武王伐殷往伐歸獸識其政事作武成史記周本紀云罷兵而歸行狩記政事作武成據司馬子長是歸獸爲歸行狩古獸狩通用賦文當作此解

蕭斧戢柯以柙刃

注張載曰桓譚新論雍門周說孟嘗君曰以強秦之勢伐弱韓譬猶礪蕭斧以伐朝菌也按蕭之言肅也釋名蕭肅也長斧謂之蕭斧猶長牆謂之蕭牆論語季氏而在蕭牆之內集解引鄭注蕭之言肅也海錄碎事謂蕭斧爲越斧未知所出

其夜未遽

注善曰毛詩曰夜未央鄭元曰言夜未渠央也按遽與渠通古詞相逢行調絲未遽央卽未渠央也急氣言之曰未遽緩氣言之曰未渠央耳說文𪔐且佳也从且康聲毛傳央且也且與𪔐義同廣雅𪔐央也王氏疏證云集韻巨央也通作𪔐釋詁𪔐久也說文央久也故又以𪔐爲央然則遽與渠巨𪔐𪔐音義並通
豐肴衍衍

注善曰周易曰飲食衍衍王肅衍衍寬饒之貌何氏焯曰依善注衍衍當作衍衍旁證云陳同是也紹煥按向注衍衍多貌則是五臣作衍耳

酣滑無譁

注善曰毛詩曰飲此湑矣毛萇曰湑舊也鄭元曰沛
舊之也一日樂也按一日義與賦意合本書吳都賦
酣湑半劉注湑樂也

荆南懷懣

注張載曰司馬相如封禪書曰義征不懣按本書封
禪文及漢書並作譴此從史記

惓惓醺醺

注張載曰韓詩云飲酒之醺能者飲不能者已謂之
醺許氏曰醺酒美也按今說文醺私宴飲也無此語
注引未知所據亦與賦義不合

冒六莖

注善曰樂動聲儀曰帝譽樂曰六英帝顓頊曰五莖
漢書顧頊作六莖何氏焯曰注引動聲儀六英五莖
者詳舉之也又引漢書六莖者注本文六莖也如本
文非六莖字不必重注矣紹煥按旁證云六字係英
字之誤王氏念孫校同

二嬴之所曾聆

注善曰史記曰趙氏之先與秦同祖然則秦趙同姓故
曰二嬴也按本書王融策秀才文訪游禽於絕澗作
霸秦基善彼注引韓非子所載趙董闕于事而又引
史記云云與此同顧氏炎武曰史記秦本紀太史公
曰秦以其先造父封趙城爲趙氏陸賈傳秦刑法不

變卒滅趙索隱曰案韋昭云秦伯翳後與趙同出蜚廉造父有功周穆王封之趙由此一姓趙氏漢書武子傳趙氏無炊火焉韋昭曰趙秦之別氏南越傳蒼梧秦王晉灼曰秦王卽趙先也趙本與秦同姓故曰秦王淮南子亦稱秦始皇爲趙政三國志陳思王上疏絕纓盜馬之臣赦趙楚以濟其難注秦穆公有赦盜馬事趙則無聞蓋以秦亦趙姓

見日知錄

澤馬于阜

注善曰說文曰于步也丑赤反旁證云說文彳小步徐鍇曰丑赤反于步止也從反彳讀若畜徐鍇曰丑錄反依善注丑赤之音則正文當作彳阜徐於于下

引魏都賦云云亦誤也紹煥按本書赭白馬賦秀騏
齊子善子字不引說文已見前故不重釋也是善本
作子甚明繫傳所引不誤六臣本注無丑赤反三字
而正文旁注云丑祿丑祿正是子字今善本注文丑
赤反疑爲後人所加旁證未見及此

餘糧栖畝而弗收

注善曰淮南子曰昔容成世之時置餘糧於畝首蔡
邕胡廣碑餘糧栖於畝畝按子思子曰東戶季子之
時道上雁行而不拾遺餘糧宿諸畝首引見初學記
此賦及蔡碑並當本此又淮南謬稱訓云昔東門季
子之世道路不拾遺耒耜餘糧宿諸畝首

優賢著於揚厯

注張載曰尙書盤庚曰優賢揚厯厯試也按堯典正義云鄭注尙書與夏侯等同而經字多異夏侯等心腹腎腸曰優賢揚是優賢揚厯爲夏侯等書魏志管甯傳大僕陶邱一等薦甯曰優賢揚厯垂聲千載裴松之注今文尙書曰優賢揚厯謂揚其所厯試也古碑如漢咸陽今唐扶頌優賢揚厯三老袁良碑優賢之寵皆用今文

雖自以爲道洪化以爲隆

何氏焯曰細釋文義參考五臣所注乃下以爲二字誤加紹煥按道洪化隆四字相對成文此涉誤衍校

書者失於刪去耳

料其建國

注善曰說文曰析量也旁證云今說文析字無此訓
紹煥按注析字乃料之誤善自引說文料量也梁氏
失檢

鴛鴦交谷

注張載曰交谷水在鄴南按御覽六十四引水經曰
漏水一名澧水一名鴛鴦水出龍岡縣東南平地以
其道源納眾泉合成一川故也亦謂之鴛鴦水魏都
賦所云鴛鴦交谷是也

復之而無數

注善曰毛詩曰無斃於人斯按此用周南葛覃文也
復服古通禮記喪大記則復殯服注復或爲服是其
證

掘鯉之淀

注張載曰淀者如淵而淺也方氏以智引轉注略云
史記決河渟水放之海前西域傳其水亭居攷工記
奠水皆一字卽淀矣渟淀之音奠猶廷轉音定又轉
爲殿也紹煥按周官故書奠爲定奠渟淀皆一聲之
轉

常山平干

注張載曰漢武帝征和二年常爲平干王國故曰常

山平干也六臣本干作于孫氏志祖云平干王國見漢書地理志及景十三王傳魏書地形志注作干

縣縑房子縑總清河

注張載曰房子出御縣清河出縑總清河一名甘陵善曰廣雅曰總絹也按太平御覽引何晏九州論云清河縑總房子好縣與此同又八百十九引酈善長水經注房子城西出白上細滑如膏可用濯縣霜鮮雪曜異於常縣也俗言房子之縑亦類蜀郡之錦得江津矣故歲貢其縣以充御用說文縑并絲縑也釋名縑兼也其絲細緻數倍如絹也眾經音義十二引通俗文輕絲絹曰總總之言聚也縑總皆細密之名

通言之則縑總皆得謂之絹廣雅總絹也廣韻絹縑也對文則縑總與絹稍別釋名其絲細緻數倍如絹通俗文云輕絲絹是也

判殊隱而一致

注善曰言大易春秋隱顯殊而合德若一何氏焯曰判殊二字衍一字脫一顯字紹煥按王氏念孫校同注出隱顯明正文有顯字殊訓正文判字二字不當重旁證謂判殊隱爲是竊所未解

職競弗羅

注張載曰逸詩兆云詢多職競弗羅孫氏志祖云左傳引逸詩本云職競作羅注云職王競作羅網之難

疑太沖偶誤注因改詩以順之耳紹煥按此亦斷文取義耳非太沖誤也注引逸詩自作職競作羅後人順正文而改耳

則干木之德自解紛也

梁氏玉繩曰段干木複姓本自老子之後名宗者爲魏將封于段干因以爲氏與段氏出共叔段後者判然不同而文選魏都賦及謝靈運述祖德詩皆稱干木稱段生恐皆割裂言之也詳見旁證

推惟庸蜀與鴈鵠同策

注善曰左氏傳曰鸚鵡株株鸚且瑜反考異曰鴈當作鸚蓋良庄作鴈紹煥按左昭二十五年有鸚鵠來

巢釋文鶚本作鵠鵠鶚古通漢書五行志鶚鵠夷狄
穴藏之禽然則鶚鵠多生夷狄故以況庸蜀下以鵠
鵠況句吳亦此意

林藪石畱而蕪穢

注張載曰戰國策成臯石畱之地無所用之也石畱
之地喻土地多石猶人物之有畱結也一日壤漱而
石也或作溜字按說文瘤腫也眾經音義十八引通
俗文肉凸曰瘤地多石有似瘦瘤故曰石畱畱與瘤
通丹若一日若榴亦曰石榴亦謂縣結如瘤方氏以
智謂石榴以畱結得名是也今戰國策作溜鮑注古
作石畱爲張所據

封疆瘴癘

注張載曰吳蜀皆暑溼其南皆有瘴氣旁證云依注
瘴當作瘴紹煥按經藉無瘴字自玉篇始云瘴癘也
古祇作瘴謂山瘴氣也太沖用之賦文不誤今張注
作瘴恐後人以俗字改之本書廣絕交論寄命瘴癘
之地作瘴何氏焯引周靖云本是山嵐之氣後人乃
轉爲瘴字

宵貌叢陋

注張載曰漢書人宵天地之貌善曰左氏傳曰叢爾
小國杜預曰叢爾小貌也按張注引漢書見刑法志
應劭曰宵類也顏曰宵義與宵同應說是也今按古

多以宵爲肖淮南要略浸想宵類高注物侶也此宵
貌與下稟質對是宵爲肖也良注訓宵爲小與蕞陋
蕞複左昭七年傳抑諺曰蕞爾國無小字此引有之
當是古本本書太子宴元圃詩蕞爾小臣善注引與
此同論衡抑諺曰蕞爾小國亦有小字足證今本之
誤

稟質遯脆

注善曰遯亦脆也七戈反按書益稷元首叢脞哉馬
注脞小也遯與脞同集韻脞醋伽切音姓脆也

或魑髻而左言

五臣髻作結按結古文紒儀禮士冠禮注紒結髮古

文選箋證卷七

三

文紒爲結書皆作結漢書陸賈傳尉佗魃結程鄭傳
賈魃結民李陵傳胡服椎結許書無髻字眾經音義
引字林云髻髻髮也然則髻字蓋起於呂忱而說文
新附收之云髻總髮也古通用結此五臣作結猶存
古字

或明發而嬺歌

注善曰爾雅曰嬺嬺契契愈遐急也佻或作嬺音葦
苕之苕旁證云嬺嬺當作佻佻朱氏琯曰注云佻或
作嬺是所引本作佻也爾雅釋文詩云佻佻獨行歎
息也蓋卽大東篇彼釋文引韓詩作嬺故佻亦可作
嬺紹煥按廣韻嬺歌巴人歌也方言九郭注今云嬺

歌依此名也。嬺與權通。謂以權濯水行舟而歌以節其勞。今吳中皆然。漢書元后傳。輯權越歌。皆其義。賦文假嬺爲之。善引爾雅不合。諸家因文生訓。亦失之。風俗以蜚慄爲嬺。

注善曰。說文曰。嬺靜好也。六臣本作嬺。校云。五臣作嬺。胡麥反。按善引說文云云。則善本亦作嬺。嬺猶快也。本書琴賦。明嬺際惠。明嬺若今言明快。方氏以智曰。嬺古音壞。與快近。言風俗以狹隘果勇爲快也。劉子元史通云。蒼梧人風慄。劃卽本此文而割裂之。

憲章所不綴

注善曰。賈逵國語注曰。綴連也。按綴與贅古字通。釋

名贅屬也詩桑柔傳廣雅小爾雅並同公羊襄十六年傳君若贅旒釋文贅本作綴尙書綴衣本書作贅衣後漢書班彪傳贅衣注贅綴也是贅爲屬也善引賈注綴連也連亦屬也此言遐荒風俗人物憲章之所不屬也

因長川之裾勢

注善曰裾勢依裾川之形勢也裾古據字九御切按依注則善本作据向注裾如衣以爲要勢是作裾爲五臣本又按漢書揚雄傳注引晉灼据今據字也與善注異

矐然相顧

注張載曰矍矍也春秋傳駟氏矍矍善曰張以矍先
矍反今本並爲矍矍大視也呼縛反按如善注則張
本作矍引春秋傳同今昭十九年傳作聳又昭六年
傳聳之以刑漢書刑法志作矍矍聳古今字說文矍
懼也从心雙省聲春秋傳曰駟氏矍从雙省聲則讀
若聳矣左昭十九年傳釋文聳息勇反是矍同聳今
本作矍讀呼縛反則音義俱非矣

矍然失所

注善曰說文曰矍失意視也今說文作矍繫傳引此
賦亦作矍玉篇廣韻並作矍段氏說文注改矍爲矍
云矍音他狄反猶滌之切亭厯皆於條取聲修聲不

得切他狄也紹煥按玉篇鵠救周他狄二切廣韻十八尤二十三錫皆有鵠字

有覲瞽容

注張載曰詩曰有覲面目瞽愧也左傳曰亦無瞽焉方言曰懞慙也荆陽之間曰懞按覲面目貌小雅何人斯傳覲姑也李巡孫炎注爾雅並云覲人面姑然也說文覲面見也詩曰有覲面目或從阻玉篇阻引埤倉姑也越語余雖覲然人面哉韋注覲然面目之貌後漢書樂成靖王黨傳安帝詔曰蓂有覲面目而放逸其心義同瞽容恂恂之狀眾經音義引三倉瞽不明是也此言恂恂之見於面者下懞慙乃云懞耳

神心形茹

注善曰字書曰藥垂也心與藥同說文曰心疑也
呂氏春秋曰以茹魚驅蠅蠅愈至而不可禁然茹臭
敗之義按心當爲𧈧字之誤也說文𧈧不滑也此謂
神𧈧而不滑也𧈧亦作𧈧因譌而爲心如香菜之薤
一譌而爲薤再譌而爲薤矣注未見及此說文薤鬱
也一曰痿也九辨葉菸邑而無色茹與菸同鬱與痿
義亦相足凡心有鬱邑則顏色憔悴故曰形茹矣
過以汎剽之單慧

旁證云尤本汎作汎注引方言今方言正作汎僂紹
煥按銑注單惠小才也此作慧古惠與慧通

深頌靡測

按頌古文容說文容盛也又頌兒也漢書儒林傳而徐生善爲頌注古者頌與容同古容兒之容作頌故寬容之容亦作頌漢書王莽傳赤煒頌平注頌寬頌也此謂深寬無測也向注云頌美魏德於義未協抑若春霆發響而驚蟄飛競

按競飛各本俱誤倒作飛競宜乙轉善及良注可證

文選箋證卷八

聚學軒叢書第五集

績溪胡紹煥學

貴池劉世珩校刊

楊子雲甘泉賦

捐夔魑而扶獠狂

注孟康曰獠狂亦惡鬼也桂氏馥曰李頤說狂屈俯張似人而非也狂屈卽獠狂也旁證云此見莊子知北游篇登孤闕之上而覩狂屈之釋文然亦無以證其爲卽獠狂紹煥按屈獠音近倒言之亦可云屈狂總是惡戾之鬼耳後漢書禮儀志注引埤倉云獠狂無頭鬼

齊總總以搏搏其相膠轕兮

攷異云轄當作葛注膠轄已見上文謂見吳都賦東西膠葛也當善本作葛五臣作轄後人亂之紹煥按六臣本載善注引吳都賦作膠葛又引魯靈光殿賦洞膠葛其無垠是善作葛

霧集而蒙合兮

注善曰爾雅曰天氣下地不應曰霧霧與蒙同今爾雅霧作雩按善引當亦作雩故云雩與蒙同作霧則與蒙音義並殊矣爾雅地氣發天不應曰霧釋文亦作霧此卽賦文霧集之霧善以霧字人所易曉故不引爾雅其引爾雅云云者正謂此蒙卽雩校書者不察而誤改注之雩爲霧耳

於是乘輿乃登夫鳳皇兮而翳華芝

旁證云漢書無而字說文翳華蓋也徐鍇引此亦無而字惟甘泉賦誤作西京賦

帥爾陰閉霽然陽開

注晉灼曰帥聚也霽散也按帥霽皆疾貌帥與率古通儀禮聘禮古文帥爲率可證帥爾猶率爾漢書東方朔傳先生率然高舉顏注率然猶颯然颯亦疾也本書笙賦霽晔晔善注霽晔急疾貌說文翳捷也霽與翳音義通俗作翳

凌高衍之崿嶢兮

注李奇曰崿音踳嶢音竦如涓曰崿嶢上下眾多貌

按崧嶠卽踴竦廣雅踴竦並爲上也上謂之踴竦故高亦謂之踴竦華嚴經音義引切韻聳高也崧與聳音義亦通

馳闐闐而入凌兢

注善曰凌兢恐懼也旁證云漢書師古注入凌兢者亦寒涼戰栗之處似較訓恐懼爲長紹煥按凌兢與闐闐對闐闐云馳凌兢云入則凌兢自指其處言之凌兢猶綾縉耳字本作峻嶒顏注亦非

平原唐其壇曼兮

注鄧展曰唐道也王氏念孫曰訓唐爲道雖本爾雅然平原道其壇曼殊爲不辭今按唐者廣大之貌唐

其者形容之辭旣言廣而又壇曼者言重詞複以形容之若上文濊乎慘纏矣說文唐大言也白虎通曰唐蕩蕩也蕩蕩者道德至大之貌是唐爲廣大也紹煥按莊子田子方釋文唐司馬本作廣唐與廣音義亦通

封巒石關施靡乎延屬

注善曰三輔黃圖有石關觀封巒觀許氏慶宗曰石關卽上林之石關史記司馬相如傳亦作石關關關義通此觀以石門山爲名也孫氏義鈞曰三輔黃圖武帝作甘泉苑建元中作石關封巒鵠鵠觀於苑垣內又石關觀封巒觀雲陽宮記云宮東北有石門山

岡巒糾紛干霄秀出有石巖容數百人上起甘泉觀
甘泉賦云封巒石闕弭迤乎延屬而漢書與各本俱
作石闕注並同紹煥按此以石門山得名不妨闕闕
並稱以門闕言謂之石闕以門闕言謂之石關本書
上林賦歷石闕厯封巒善及史記作闕漢書作關亦
闕關互出可證也

正瀏濫以宏悄悄

注孟康曰瀏清也善曰瀏濫猶言清淨而汎濫也按
瀏與流通流謂周流濫謂汎濫書多假瀏爲流本書
西征賦瀏睨楹以抗憤瀏睨卽流睨注家訓瀏爲清
未免望文生義失之

翠玉樹之青蔥兮

注善曰漢武帝故事曰上起神屋前庭殖玉樹珊瑚
爲枝碧玉爲葉按翠聚也易說卦傳萃聚也翠與萃
通史記司馬相如傳萃蔡本書琴賦善注引張揖注
作翠是其證言聚玉樹於甘泉宮中也漢書顏注集
眾寶爲之集正注翠字向注以翠爲碧與青蔥義複
璧馬犀之璘璠

旁證云漢書壁作璧顏注馬犀者馬腦及犀角也以
此二種飾之璧今考作璧者五臣本也向注可證作
壁者善本也正文應作壁紹煥按壁與翠對翠爲聚
則壁爲積義亦相近作璧是也白虎通瑞贄篇璧之

言積也字亦作辟儀禮士冠禮荀子富國注並云積猶辟也辟積互訓音義通謂積馬犀以爲飾璘璫然也後人以顏注壁飾遂改漢書之壁爲璧善本正文及注皆不誤五臣同而向注正作璧玉解則似不審文義而妄爲說也

金人仡仡其承鐘虞兮

五臣本仡字不重按仡仡句累當依五臣本金人仡其承鐘虞兮與洪臺嘯其獨出兮句法同疑因善注引孔安國尙書傳曰仡仡壯勇之貌遂誤重仡字日月纔經於枼振

注服虔曰枼中央也振屋椳也王氏念孫曰枼當作

央今作𡗗者因振字而誤加木旁耳振與宸同說文
宸屋宇也卽服氏所謂屋枅鄭注士喪禮曰宇枅也
今人謂之屋檐央振謂半檐也日月纔經於半檐極
言臺之高也央振與上榮相對爲文則央字不當作
𡗗西京賦消雰埃於中宸彼言中宸此言央振則央
之不當作𡗗益明矣魏都賦暉𡗗𡗗振張載曰𡗗中
央則其字亦必作央今本作𡗗亦是傳寫之誤紹煥
按𡗗善音於兩切則所見本已作𡗗說文宸繫傳引
班固西都賦曰日月纔經於宸𡗗作𡗗甘泉賦作
西都賦誤

鬼魅不能自逮兮

注善曰逮及也漢書逮作還顏注還讀曰旋或作逮

逮及也王氏念孫曰作還者逌之誤逌與逮同故一本作逮逌之譌作還猶鰥之譌爲■紹煥按逮書多作逌公羊哀十四年傳祖之所逌聞也漢石經作逌墨子書以逌爲逮古碑碣同

浮蟻蠓而撇天

注善曰孫炎注爾雅曰蟻蠓蟲小於蚊按蟻蠓塵氣也史記司馬相如傳蔑蒙踊躍集解引漢書音義曰蔑蒙飛揚也謂塵氣之飛揚也蟻蠓與蔑蒙同後漢書思元賦浮蔑蒙而上征注蔑蒙氣也作蔑蒙蔑蒙語之轉義並爲小塵氣細小謂之蔑蒙猶飛蟲細小謂之蟻蠓

覽樛流於高光兮

注晉灼曰樛流猶繚繞善曰樛流高曲之貌漢書曰
甘泉有高光旁皇按漢書顏注樛流曲折也與善注
合而於望崑崙而樛流注樛流猶周流周流亦曲折
之意然則繚繞周流皆謂曲折貌故本書北征賦遠
紆同以樛流樛流連紆同言亦曲折也又作𦣻思元
賦倚招搖攝提以低徊𦣻流

和氏玲瓏

玲瓏二字誤倒玲與傾𡵚嬰成爲韻當作瓏玲後人
順文改爲玲瓏耳漢書及六臣本正作瓏玲善引晉
灼注瓏玲明見貌而漢書集注孟康謂瓏玲爲聲師

古從晉說按瓏玲本狀聲亦可狀色猶琳琅爲聲而
本書南都賦金銀琳琅則以爲色是其例矣

閼閼其寥廓兮

注善曰閼高也說文曰閼閼高大之貌今門部閼門
高也與此引異按閼閼空貌莊子外物篇胞有重閼
注閼空曠也說文窳屋窳窳也郭璞方言注曰窳窳
空貌閼閼與窳窳音義亦近今人猶謂空爲窳窳許
不收閼字阜部阬閼也爾雅阬虛也虛亦空也此形
容深空之狀故云其寥廓兮寥廓皆空也漢書顏注
云閼閼空虛也較明晰

若登高眇遠亡國肅乎臨淵

注應劭曰登高望遠當以亡國爲戒若臨深淵也王氏念孫曰亡國二字後人所增入紹煥按此涉應氏注而誤加耳漢書及五臣本俱無此二字是也

薌咲𦵿以棍批兮

注善曰薌亦香字也按薌當讀爲響謂回猷之響布也說文𦵿響布也故下云聲𦵿隱以厯鍾薌與聲對言則薌之爲響甚明漢書顏注云言風之動樹聲響振起衆根薌讀與響同是也

排玉戶而颺金鋪兮

注李奇曰鋪門鋪首也按尸子云法螺蚌而閉戶演繁露引風俗通義門戶鋪首公輸班見水中螽引閉

其戶終不可開遂象之立於門戶據此則公輸班始爲此制然續漢書禮儀志殷人水德以螺首慎其閉塞使如螺螺卽蠡也則以螺立門上不始於班矣蓋古人象形立制後世因之飾以龍蛇漢書哀帝紀孝元廟殿門銅龜形蛇鋪首鳴三輔黃圖金鋪扉上有金華中作獸及龍蛇鋪首以銜環是也

帷弭張其拂汨兮

注善曰弭張風吹帷帳之聲也漢書集注引孟康曰弭張風吹帷帳鼓貌按鼓貌是也弭張皆滿也揚子法言君子篇以其弭中而彪外也李軌注弭滿也環與弭同廣韻弭弓勢皆滿之象非狀聲也玉篇張弭

張帷帳起貌蓋本孟義

穆羽相和兮

注張晏曰聲細不過羽穆然相和也王氏引之曰羽聲穆然相和不得謂之穆羽且於五音之中獨言羽則相和之義不著張說非也今按和讀唱和之和穆變音也羽正音也淮南天文篇說律曰徵生宮宮生商商生羽羽生角角生姑洗姑洗生應鍾比於正音故爲和應鍾生蕤賓不比於正音故爲繆繆與穆同謂變宮變徵也穆在變音之末言穆而和可知矣羽在正音之末言羽而宮商角徵可知矣變聲與正聲相應故曰穆羽相和以律管言之則變宮爲和變徵

爲穆以琴弦言之則當以少宮爲和少商爲穆琴有和穆二音而風聲似之故曰穆羽相和若夔牙之調

琴

見讀書雜志漢書揚雄傳條

雖方征僑與倕侔兮

注晉灼曰征行也善曰征僑姓征名僑也司馬相如大人賦厮征伯喬漢書曰正伯喬並同也按漢書郊祀志宋無忌正伯僑元尙羨門最後皆燕人爲方僊道征作正蓋古字通也

蝓蝓蝓之中

注張晏曰蝓蝓蝓漢刻鏤之貌按蝓蝓猶嫵媚屈曲貌本書魯靈光殿賦旋室嫵媚善注嫵媚迴曲貌漢

書司馬相如傳注連卷長曲也字亦作連娟嬾娟連
娟並與蝟蝟音義同蝟漢亦屈曲貌魯靈光殿賦濯
濯潏潏注采色眾多眩曜不定也琴賦霍濩紛葩注
霍濩盛貌盛與屈曲義相足濯濩霍濩並夢韻字
漢書司馬相如傳駕應龍象輿之蝟略委麗兮蝟略
委麗皆謂屈曲貌蝟略與蝟濩音亦通

吸清雲之流瑕兮

六臣本吸作喻校云五臣作吸然則善本當作喻矣
清雲當作青雲善引淮南子志厲青雲可證青雲猶
青霄耳各本皆誤

陳眾車於東阮兮

注如淳曰東阬東海也漢書顏注阬大阜也讀與岡同按顏讀是也古多假阬爲岡本書羽獵賦趾巒阬楚辭九歌吾與君兮齊速道帝之兮九阬皆卽岡字此東阬指高處言之故下云肆玉軌而下馳謂由東阬而下也

皋搖泰一

注如淳曰招作皋皋挈皋也積薪於挈皋頭置牲玉於其上舉而燒之張晏曰招搖泰一皆神名漢書作招搖五臣本同按注引如說云招作皋又引張說以招搖爲神名是善本作招從張不從如也此蓋後人因注如氏解皋爲挈皋而妄改之

南煬丹崖

注服虔曰丹水之崖也按南山經丹穴之山丹水出焉而南流至於勃海吳氏補注曰丹水南有丹崖山頽壁霞舉若紅雲秀天二岫更爲可觀據此則丹崖實有其名矣

炎感黃龍兮

注善曰言焱燦熾盛感動神明也字林曰焱火光也攷異曰炎當作焱注甚明紹煥按說文焱火華也從三火音以冉反

登降崩施

注善曰崩施邪道也按廣韻崩施沙邱今爾雅作邐

迤窡窡與邐迤古通揚子法言觀東嶽而知眾山之
窡窡也作窡窡說文迤衺行也邐行邐也邪道謂之
窡窡猶衺行謂之邐迤

單捲垣兮

注善曰單大也捲垣圜貌單音蟬按善旣單音蟬則
不當訓爲大此疑非注義蟬曲貌九思乘六蛟兮蜺
蟬蜺蟬謂盤曲也

上天之緯

注善曰緯事也毛詩曰上天之載緯與載同姜氏皋
曰書有奮庸熙帝之載載訓爲事廣雅釋詁三緯事
也是緯載義同紹煥按唐孔宣碑緯無聲臭唐書杜

黃裳等傳贊穆天絳絳字本此

杳旭卉兮

注善曰旭卉幽昧之貌按卉卽卉字本書上林賦卉然興道而遷義善引郭璞注卉猶勃也許貴切顏漢書注卉然猶欬然也說文柴疾也作柴爲正字今省作卉亦作卉江文通雜體詩欬吸昆雞怒注欬吸疾貌旭卉與欬吸音近漢書顏注旭卉疾速是也此云幽昧之貌於義亦通魯靈光殿賦欬欬幽靄注幽窅之貌旭卉與欬欬音義亦近並雙聲字

靈遲遲兮

注善曰遲遲卽棲遲也遲音棲遲大夷反漢書作遲

遲攷異曰漢書注遲音栖與善音合集韻十二齊有
犀遲別無迟字恐傳寫誤也紹煥按說文遲從辵犀
聲迟或從尸是迟爲棲遲字玉篇遲又出遲籀文又
出迟云同上廣韻遲同遲然則迟遲皆卽遲字遲爲
籀文迟爲或體碑碣遲亦作迟而漢書作遲迟遲音
栖遲迟實一字此作迟迟迟字則字書所無

潘安仁藉田賦

青壇蔚其嶽立兮翠幕黹以雲布

何氏焯曰漢晉皆耕於東郊故曰青壇紹煥按初學
記載陳江總勞酒賦開青壇於迴甸列翠幕於春圻
宋雍熙五年改元赦制云載涉青壇肅乎接神之禮

射惟黛耜用恢教本之風並本此黠字亦作黠本書

思元賦雲師黠以交集兮作黠黠之別作黠猶訖之

別作謹也

御覽七百黠引作黠不可從

結崇基之靈趾兮

注善曰說文曰趾基也旁證云六臣本作址晉書作趾皆是也此正文及注誤紹煥按今說文趾基也重文址或從土足部無趾字

儼儲駕於塵左兮

注善曰古耕以耒而今以牛者蓋晉時創制不法於古也按周禮疏謂周時未有牛耕至漢趙過始教民牛耕善說本此考海內經后稷孫叔均是始作牛耕

郭注始用牛犁也然則牛耕不起於後世矣又新序
載邵穆公言百姓飽牛而耕亦可證史記仲尼弟子
列傳冉耕字伯牛司馬耕字子牛耕之用牛其來已
古故論語司馬牛孔注曰宋司馬犁也萬氏希槐曰
趙過始爲牛
耕其說倡自賈
總齊民要術

中黃睚以發暉

按暉當爲揮此疑涉睚字而誤易乾六爻發揮正作
揮旁證云晉書作輝尤本作輝發揮與繁會爲偶對
作揮者近之姜氏皋曰易釋文揮本作輝本書王仲
宣從軍詩良苗實已揮善注揮當作輝

瓊鉞入縈

注善曰臧榮緒晉書曰關戟車載戟蒯與鉞音義同也按史記商君傳持矛而操關戟者索隱關亦作鉞同晉書輿服志作關後漢志劉昭引薛綜注曰關之言函也取四戟函車邊說文鉞同關鉞關並所及切

震震填填

注善曰郭璞爾雅注曰闐闐羣行聲也按此爾雅振旅闐闐注也然則善本當作闐闐五臣作填填耳

旁證云五臣千千作芊芊晉書同注云芊芊一作阡阡攷異曰高唐賦肅何千千潘用其語紹煥按說文

芊艸盛也似正字作芊然裕下云望山谷裕裕青也
又作裕列子力命鬱鬱芊芊廣雅芊芊茂也作芊又
作仵本書潘岳懷縣詩稻栽肅仵仵謝朓游東田詩
遠樹曖仵仵五臣本作阡阡並同音之假

垂髻總髮

旁證云六臣本晉書髮並作髻王氏鳴盛曰作髻方
與上戾下襍叶作髮非是攷異曰髮字去聲自叶霽
祭諸韻之字魏都賦纍纍辨髮或鏤膚而鑽髮兩見
皆然紹煥按髮從友得聲古音與裔同在祭部髮與
戾裔自韻從人不習古音改髮爲髻以與戾裔叶失
之

惟穀之卹

注善曰尙書曰欽哉欽哉惟刑之卹哉段氏玉裁曰
此古又也今作恤衛包所改今文尙書作謚

文選箋證卷八

文選箋證卷八

古